

**ظلام الفاجعة خيم**      **على زينب بالمخيم**  
**قلب مفجوع ومثلم**      **ودمع يجري على الخدين**

هذي الليلة في خدري وأخوية حسين قدامي  
وخوفي لو طلع باجر عصر عاشر يالدامي  
يمحلاها بيو سكنة تضوي بنوره خيامي  
ومن حولي بني هاشم وأبو فاضل إلي حامي

**وجلست عنده بالحسرة**      **تقبل منحره وصدرة**  
**وصايا أمي الزهرة**      **ونادت روي خوية حسين**

بيو السجاد هذا الليل وهذي الخيل متوثبة  
وأطفال وحرم تبجي وآلام وأرض غريبة  
وهذي كربلة وعاشر وهالليلة علي صعبة  
ومن غيرك يواسيني ومن غيرك ألوذ به

وعزيزة فاطمة      في ليلة مظلمة      بلطفــــــــــــــــوف  
تنادي بو علي      فــــــــــــــــوادي يــــــــــــــــوالي      أســــــــــــــــى خوف

**وأني عزي بيكم**      **وخوفي عليكم**  
**وأنا اللي بو علي ما عندي غيرك**

وضمها للصدر      ودمعاته تخر      بالــــــــــــــــخــــــــــــــــود  
يق لها تصيري      يخية وانظري      هــــــــــــــــالــــــــــــــــأســــــــــــــــود

**وشوفي هلب دور**      **تري كلهم انذور**  
**لخدرج يابنت خير البرية**

**فؤادي وأهلي وجملة أنصاري**  
**وطمني قلبج أبد لتحتاري**

عسى بعيد البلا والشر  
بنصر يابو علي مأزر

**وهذا آخر عهدنا ودعيني**  
**وباجر ماشي أنا وتفقديني**

يخية يابنت حيدر  
وباجر هالوضع أخطر

**يق لها زينب او عزة الباري**  
**لخدرج فدوة ودمنا هالجارى**

اونادت يا أبو الأكبر  
عسى نرجع وطن جدنا

**يق لها زينب يخية سمعيني**  
**سواد الليلة أنا بضيافتكم**

اونادى والقلب يسعر  
بينت المرتضى صبرج

في هالليلة ألم وجروح  
وعبد الله بسهم مذبوح  
وباجر عنج أنا أروح  
على صدري ترضه الخيل

وسهم من حرمة فنتي وعلى صدري يذبحونه  
ماشفت أنا في عمري رضيع بدمه يسقونه  
ومن أرجع إلى الخيمة تجيني أمه وسكينه  
سقيت الغالي يالوالي وباقي الماي في وينه

ويازينب في هالوادي  
وسمعي يختي أورادي  
تغيب أنصاري وأولادي  
اودعيني بظلام الليل

ويازينب إذا الأكبر تهاوى وخر على الغيرة  
تسمعي ونه الأملاك وصرخة أمي الزهرة  
وللخيمة أنا أشيله ودمعي من أسى أسيله  
وتموج خيامي يازينب لظى من تنظره ليلي

وزينب بو الفضل  
طفى عينه السهم  
على الغيرة يظل  
وتهاوى هالعلم  
بلا جفوف  
بلطفوف

على الشاطي مطروح  
وترف منه الروح

واجي له والقلب باجماره موجوع

وتظلل بهالفضا  
جسوم مرمضة  
على جمر اللظى  
وأبو فاضل مضى  
هلنصار  
مضى وسار

وأظل وحدي محتار  
يزينب بلا أنصار

ولو شفتي السهم في قلبي مزروع

واحاول بالسهم  
وصدري ترضضه  
ثلث منه انثلم  
بينت المرتضى  
فوادي  
عوادي

ويجي وسرجه مايل  
الج مهري صاهل

يخبركم ترى بو سكة مصروع

وإذا ياخية على الخدر عسكر  
ونسأ وايتامي تفاررت بالبر

وتشيب خيامي هالعردان  
وتناديني يبو سكة

وإذا ماشفتي شمر على صدري  
وإذا ماصحتي عليه ياخوية

تسمعيني وأنا وحدي  
وأخوية ووالدي حيدر

عدا يازينب وأنا بثرى معفر  
تنادي ادركنا يجدي يا حيدر  
حقديا خيرة النسوان  
وأنا مرمي على التربان

ركب بنعاله يحز ودج نحري  
وأنا بهالحالة تقبلي عذري  
أنادي ادركني يا جدي  
وأمي فاطمة عندي

وزينب داخل الخيمة  
تضم اخوها وتلثمه  
على اخوها هوت نجمة  
وتنادي بو علي لاوين

وهوت فوقه بدمع حسرة وألم وجروح وتنادي  
تقله يا ابو سكنة ترى حجيك فرى افادي  
أنا من أقبل العسكر وخيم ليله هالوادي  
وقالوا كربلا هذي قلت واعزي وعمادي

يقلها هذي يا خيه  
واذا هجمت بني اميه  
مصايب تجري اعليه  
او انتي تصيحي وتخين

ونادها أبو سكنة يزينب سمعي مصابي  
إذا ناديتي يا خويه وما وصل لج جوابي  
يخيه تصبري لو شفقتي ذباجي وسلابي  
تشوفيهم يقطعوا خنصري وينزعوا ثيابي

ضلوعي مكسرة  
وحولي على الثرى  
وجئته معفرة  
جسوم مجزرة  
بالتــــراب  
ولحبــــاب

جسد ممثلي جراح  
ونار موجرة وخيامي تسعر  
وراسي بلرماح

ونسوة مخدرة  
وعينج ساهرة  
تسير ميسرة  
بينت الطاهرة  
إلى الشام  
بليــــام

دما وغربة وآلام  
وسبيج يا وداعة هذا اكبر  
وسبيج إلى الشام

تسير وياها وجئت عليها تدوس  
جئنا واحنا بلا غسل ورموس  
قبل لتروحي ودعيني  
وقبلي نحري يعينوني

تسير ضعونج إلى السبا والروس  
عوادي وتبقى تحت وهج لشموس  
ويا زينب لتسسيني  
تعالى لمصرعي وقعدى

ورفعى جسمي إلى السما وقلبي  
تقبل قرباني واحفظى دربي  
وتواسى رمله وليله  
وباقى يختى هالليله

بلياس راس وعليه لتعتبي  
بينت الهادي ونادي يا ربي  
وانتني لتكفلى العيله  
وتسكتى لو بجات طفاله